

Akharipe vash aplikacije te len than pe 15-to Europutne Konsilosko Dijalogo e Romane thaj Phirutnengere civilno societasar

Jekhipe vash Romane thaj Phirutnengere dzuvlja thaj chaja

O **15-to Europutne Konsilosko Dijalogo e Romane thaj Phirutnengere civilno societasar** (Konceptoski nota) si planirimo vash **6-7 juni 2023 bersh ko hybrid formato, ano Strasbourg thaj online via KUDO platforma**, thaj ka fokusuil pes pe temako pe jekhipe vash e Romane thaj Phirutnengere dzuvlja thaj chaja.

O khidipe ka:

- Prezentuil draft Rekomandacija kotar e Ministerongo Komiteto dzi pe thema membrura pe temako jekhipe vash e Romane thaj Phirutnengere dzuvlja thaj chaja.
- Diskutuil e butja so achon pes e Romane thaj Phirutnengere dzuvlencar vi chajencar ande areje, sar so si: registracija ande civilno registro thaj identitetoskere dokumentura; protektiribe ekstremno chorolibastar thaj avipe dzi pe socijalno protekcija; adoptacija thaj chivibe e Romane thaj Phirutnengere chaven ande alternativno grizha; majangluni thaj shkolaki edukacija vash e Romane thaj Phirutne chajenge; sastipaski grizha thaj seksualno vi reproduktivno hakaja; bucharipe thaj ekonomikani situacija; protekcija violencatar thaj bilachipastar mamuj e Romane thaj Phirutnengere dzuvlja thaj chaja.
- Diskutuil o disproportionalno efekto so gasave butja kerena upral e Romane thaj Phirutnengere dzuvlja vi chaja, sar vi e gender specifikacije pe kadala butja.
- Te anen pes solucije save so shaj te oven propozalura kotar e Europutne Konsiloskere thema membrura te shaj te adresirinen pes kadala butja.
- Ulaven pes experience thaj lache praktike save adresirinena kadala butja, thaj lacheder Romane vi Phirutnengere dzuvlengi thaj chajengi participacija ano politikano thaj publikano dzivdipe.
- Propozalura vash akcije save ka legaren dzi ko kapacitetongo vazdipe thaj zuralipe vash e Romane thaj Phirutnengere dzuvlja thaj chaja.

Selektiribaskere kriterije vash Dijalogoskere participantura:

- Eksperienca angleder vash e diferentno prioritetura kotar e Europutne Konsilosko Strategikano Akcijako Plano vash e Romengi thaj Phirutnengi Inkluzija (2020-2025)
- Geografikani reprezentacija pe nacionalno thaj regionalno nivelura thaj trujal e Europutne Konsiloskere thema membrura
- Bersha thaj gender balanso
- Akanutni vaj paluni kontribucija vaj projektoski implementacija ande sfera kotar e jekhipasko zuraripe vash e Romane thaj Phirutnengere dzuvlja thaj chaja
- Kontribucija ko standardongo buhljaripe thaj monitoring pe lengi implementacija
- Shajipe te vorbin thaj skrinisaren pe majcera jekh oficijalne chiba ande Europako Konsilo (Anglikani vaj Fransikani) vaj pe Romani chib
- Personalno motivacija

O akharimos si phutardo e **reprezantonge kotar e Romane thaj Phirutnengere civilno societakere** organizacije.

Interesirime kandidatura musaj te kompletirinen e online Aplikacijakere Forma **dzi ko 2-to majo 2023, dopashrachi, Centralno Europaki Vrama (CEST)**. E bikompletirime aplikacije thaj e aplikacije so ka resen pala i agoruni vrama naj te dikhen pes.

[*Aplikacijaki forma pe Anglikani / Fransikani chib*](#)

[*Aplikacijaki forma pe Romani chib*](#)

Numa e lache/birime aplikantura ka oven informirime.

Notifikacija ka ovel bichaldini dzi ko 15-to majo 2023 bersh.